

DIBEN: Adroddiad i'r Panel Heddlu a Throseddau (25/10/19)

Teitl: Adroddiad cynnydd yn dilyn yr Adroddiad Craffu Dwys ar ddefnydd Heddlu Dyfed-Powys o Rym

Crynodeb Gweithredol:

Yng ngoleuni diddordeb cyhoeddus sylweddol a gofyniad i wella'r ffordd y mae'r heddlu'n cofnodi eu defnydd o rym, cyflawnodd Swyddfa Comisiynydd yr Heddlu a Throseddau (SCHTh) adroddiad craffu dwys o'r defnydd o rym o fewn ardal Dyfed-Powys. Rhoddwyd yr adroddiad i'r Prif Gwnstabl ar 9 Hydref 2018, a ymatebodd yn ffurfiol wedi hynny, gan dderbyn pob un o'r argymhellion.

Mae'r papur hwn yn adolygu'r cynnydd a wnaed gan Heddlu Dyfed-Powys yn erbyn argymhellion yr adroddiad yn y 12 mis dilynol.

Prif gyflawniadau:

- Mae'r sefydliad wedi cyflwyno Rhifau Cyfeirnod Unigryw'n llwyddiannus er mwyn hwyluso adalw cofnodion a darnau ffilm a thagio haws.
- Mae hyfforddiant diogelwch swyddogion wedi ei loywi gan ddefnyddio adborth o'r adroddiad craffu dwys sy'n ymwneud â chofnodi cyfyngiadau a mewnwediadau o ddata anafiadau swyddogion.
- Adolygwyd y gofyniad awgrymedig ar gyfer 'cronfa' o gamerâu corff, a chytunwyd nad oedd angen hyn.
- Gwnaed diwygiadau i unedau camera corff cyfredol mewn ymateb i bryderon a fynegwyd gan adrannau arbenigol drwy'r adolygiad.
- Mae'r gwaith o gaffael y system rheoli cofnodion newydd wedi hen ddechrau.
- Ystyriwyd bod dros 50% o'r argymhellion wedi'u cwblhau. Mae cynnydd sylweddol yn cael ei wneud o ran yr hanner sy'n weddill.
- O'r argymhellion hynny sydd dal yn mynd rhagddynt, mae pedwar yn ymwneud â gwella cyfathrebu â swyddogion a'r cyhoedd, mae un yn ymwneud ag amrywiaeth craffu cyhoeddus, ac mae un yn ymwneud â threfniadau archwilio a goruchwyllo'r sefydliad.

Argymhelliad:

Bod y Panel Heddlu a Throseddau'n nodi cynnwys yr adroddiad.

Comisiynydd Heddlu a Throseddau Dyfed-Powys

Rwy'n cadarnhau fy mod wedi ystyried pa un ai a oes gennyf unrhyw ddiddordeb personol neu niweidiol yn y mater hwn, ac yn cymryd y penderfyniad arfaethedig mewn cydymffurfiaeth ag Egwyddorion NOLAN ar gyfer Ymddygiad mewn Bywyd Cyhoeddus.

Llofnod:

Dyddiad:

Adroddiad Comisiynydd yr Heddlu a Throseddau i Aelodau'r Panel Heddlu a Throseddau

Adroddiad cynnydd yn dilyn yr Adroddiad Craffu Dwys i Ddefnydd Heddlu Dyfed-Powys o Rym

1. Diben yr Adroddiad

Yng ngoleuni diddordeb cyhoeddus sylweddol a gofyniad i wella'r ffordd y mae'r heddlu'n cofnodi eu defnydd o rym, cyflawnodd Swyddfa Comisiynydd yr Heddlu a Throseddau (SCHTh) adolygiad 'craffu dwys' o'r defnydd o rym yn ardal Dyfed-Powys. Cyflwynwyd yr adroddiad i'r Prif Gwnstabl ar 9 Hydref 2018, a ymatebodd yn ffurfiol wedi hynny, gan dderbyn pob un o'r argymhellion.

Diben y papur hwn yw adolygu'r cynnydd a wnaed gan Heddlu Dyfed-Powys yn erbyn argymhellion yr adroddiad yn y 12 mis dilynol.

2. Canlyniad

Canfu'r adolygiad, a gynhaliwyd rhwng mis Mehefin a mis Medi 2018:

- bod y defnydd o rym yn cael ei dan-gofnodi gan swyddogion;
- mai alcohol, cyffuriau ac ieched meddwl oedd yn cael eu cofnodi fel y ffactorau effaith mwyaf cyffredin;
- mai sgiliau heb arfau, gosod gefynnau ac ataliadau llawr oedd y prif dactegau a oedd yn arwain at gwynion am rym gormodol;
- bod adborth cyhoeddus yn gadarnhaol yn bennaf mewn perthynas â defnydd yr heddlu o rym;
- bod Panel Sicrhau Ansawdd y Comisiynydd (cynrychiolwyr annibynnol o breswylwyr ardal Dyfed-Powys) yn cefnogi'r adborth cyhoeddus cadarnhaol wrth iddynt ganfod bod swyddogion yn ymdrin â digwyddiadau'n gymesur a rhesymol; a
- bod rhai diffygion o ran casglu, crynhoi a dadansoddi data ynglŷn â'r ffordd y mae grym yn cael ei ddefnyddio gan swyddogion Heddlu Dyfed-Powys yn gywir.

3. Y Sefyllfa

Cyfrannodd yr adolygiad at agweddau canlynol Cynllun Heddlu a Throseddau'r Comisiynydd:

- Gwneud y defnydd gorau o'n hadnoddau rheng flaen er mwyn ymdrin â throseddau a digwyddiadau a mynd i'r afael â nhw'n rhagweithiol. (Blaenoriaeth 1: Cadw ein cymunedau'n ddiogel).
- Hyrwyddo ymateb rhesymol a chymesur gan swyddogion rheng flaen wrth ymdrin â phobl sy'n dioddef salwch meddwl. (Blaenoriaeth 2: Diogelu'r rhai sy'n agored i niwed).

Roedd yr adolygiad yn ceisio:

1. Rhoi sicrwydd i'r cyhoedd bod Heddlu Dyfed-Powys yn defnyddio eu pwerau grym yn briodol;
2. Gwella hyder y cyhoedd yn Heddlu Dyfed-Powys; a

3. Gwella perfformiad yn y maes hwn (Swyddfa Annibynnol Ymddygiad yr Heddlu).

Trwy:

- a) Adnabod unrhyw dueddiadau o ran defnydd o rym swyddogion a staff Dyfed-Powys;
- b) Tynnu sylw at feysydd arfer da a meysydd i'w gwella;
- c) Darparu trosolwg annibynnol o ddefnydd o rym yr heddlu a sicrwydd o fonitro gan Heddlu Dyfed-Powys;
- ch) Ceisio sicrwydd bod swyddogion yn cofnodi holl ddigwyddiadau o ddefnydd o rym yn briodol; a
- d) Hysbysu'r cyhoedd am eu hawliau o ran defnydd o rym gan swyddogion heddlu.

4. Dewisiadau a Chanlyniadau

Mae diffyg cyfeirnod unigryw, wedi'i gyfuno gyda diffyg tag i gategoreiddio defnydd o rym penodol o fewn y meddalwedd storio Ffilm Camerâu Corff, yn golygu bod tystiolaeth o gysylltiadau lle mae grym wedi'i ddefnyddio yn hynod anodd eu lleoli. Gallai goblygiadau hyn gynnwys:

- Adnoddau
 - Defnydd helaeth o amser staff a swyddog yn 'pori' trwy gofnodion mewn ymdrech i ddod o hyd i ffilm berthnasol.
 - Cwynion a honiadau yn cymryd hwy i'w datrys oherwydd anallu i leoli ffilm a all fod yn dystiolaeth.
- Ariannol
 - Potensial i fwy o hawliadau am iawndal 'grym gormodol' llwyddiannus oherwydd nad yw swyddogion yn gallu gwrthbrofi honiadau heb gofnodion a ffilmiau.
 - Adenillion gwael o fuddion er buddsoddiad sylweddol yn Ffilm Camera Corff.
- Storfa TG a Diogelu Data
 - Cadw / dileu ffilm yn amhriodol oherwydd potensial ar gyfer tagio amhriodol.
 - Anhawster wrth drin ceisiadau gwrthrych am wybodaeth oherwydd anawsterau wrth adnabod unigolion cywir yn y ffilm heb gofnodion ysgrifenedig cyfatebol.
- Hyder y cyhoedd a lles staff
 - Gallai diffyg tryloywder ostwng ymddiriedaeth gwrthrychau a hyder yn yr heddlu.
 - Anhawster wrth weithredu goruchwyliaeth effeithiol ac archwilio samplu ar hap i ystyried effeithlonrwydd yr ymdriniaethau.
 - Gallai diffyg ymddiriedaeth yng nghywirdeb y cofnodi effeithio'n negyddol ar les swyddogion a staff.
 - Posiblirwydd wrth i gydymffurfiaid gynyddu mai'r canfyddiad fydd bod grym yn cael ei ddefnyddio mwy nac ydyw mewn gwirionedd gan fod y data ar hyn o bryd dim ond yn cynrychioli nifer o ffurflenni a gyflwynir ac nid nifer y digwyddiadau.

5. Camau Gweithredu ac Adolygu

	Argymhelliad	Sylw cychwynnol gan y Prif Gwnstabl	Sefyllfa ym mis Medi 2019
1	Cyflwyno Cyfeirnodau Unigryw ar gyfer ffurflenni defnydd o rym fel mater o frys.	Mae gwaith ar gyfer cyflwyno a defnyddio Rhifau Cyfeirnod Unigryw (RhCU) eisoes wedi'i awdurdodi.	Bu oedi o ran diweddaru'r rhaglen oherwydd methiannau'r system yn ystod cyfnodau profi. Fodd bynnag, mae profion llwyddiannus wedi eu cwblhau yn awr ac mae'r newidiadau gofynnol wedi'u gwneud i PRONTO. Mae hyn wedi caniatáu i well craffu gael ei gynnal gan ei fod wedi galluogi'r proffil diweddaraaf a gynhyrchwyd i fod yn fwy manwl o ran yr hyn yr oedd yn adrodd amdano e.e. mae wedi caniatáu ar gyfer manylion am y math o rym a ddefnyddiwyd ac ethnigrwyd cymariaethau gwrthrych data. Argymhelliad wedi'i gyflawni.
2	Rhaid defnyddio Cyfeirnodau Unigryw i sicrhau bod Ffilm Camera Corff yn cael ei dagio'n briodol ac yn hawdd cael gafael arno.		Mae'r oedi wrth orffen y diweddariad i PRONTO, a achoswyd gan fethiannau profi, wedi cael effaith ganlyniadol ar ran olaf y broses sy'n galluogi Swyddogion i weld y RhCU perthnasol, a fydd, yn ei dro, yn galluogi categoreiddio camerâu camera corff yn erbyn y RhCU hwnnw. Mae'r Tîm Digidol wedi cadarnhau bod y gwaith angenrheidiol wedi ei gwblhau yn awr, fodd bynnag, mae'r system yn dibynnu ar ddefnyddwyr yn mewnbynnu'r RhCU yn gywir ar y system camera corff a thagio'r darn ffilm fel clip tystiolaethol er mwyn sicrhau ei fod yn cael ei gadw'n hirach na mis.

3	Cyfathrebu gofynion cofnodi clir a chyson i swyddogion a staff, gan gynnwys pwysigrwydd Ffilm Camera Corff a chyfiawnhad dros y grym a ddefnyddiwyd.	Roedd strategaeth gyfathrebu ar gyfer mynegi gofynion cofnodi i'r gweithlu'n cael ei baratoi.	Mae trafodaethau cyson wedi'u cynnal trwy Fwrdd Prosiectau Digidol yr Heddlu mewn perthynas â sawl agwedd o'i ffrydiau gwaith parhaus, gan gynnwys cyflwyniadau i staff ar y defnydd o gamerâu corff mewn amgylchiadau perthnasol, a'r amserau priodol i'w gategoreiddio. Mewn ymgais i fonitro cydymffurfiaeth swyddogion yn fras â'r gofyniad i adrodd am bob achos o ddefnydd o rym, mae proffil defnydd o rym Heddlu Dyfed-Powys yn cymharu nifer y ffurflenni defnydd o rym a gyflwynwyd gyda nifer yr arestiadau yn ystod yr un cyfnod. Rhaid adolygu'r data hwn yn ofalus, gan na fydd pob achos lle y defnyddiwyd grym yn arwain at arést, ac ni fydd angen defnyddio grym adeg pob arést, fodd bynnag, mae'n rhoi arwydd o'r duedd ddisgwyliedig. Yn ystod yr adolygiad a'r cyfnodau adrodd (Chwarteri 1 a 2 yn 2018/19), roedd y gyfradd cyflwyno ffurflenni i nifer yr arestiadau'n sefydlog ar 54%. Yn y ddau chwarter ariannol ar ôl i'r adroddiad gael ei gyhoeddi (Chwarteri 3 a 4 o 2018/19), roedd hyn wedi gostwng i tua 48%. Mae angen gwaith pellach i ddeall pa un ai a yw ffordd y sefydliad o asesu cydymffurfiaeth yn addas ar gyfer y diben, neu pa un ai a yw cyfraddau cofnodi gwirioneddol wedi gostwng. Bydd hyn yn cael ei asesu ymhellach drwy adolygiad Panel Sicrhau Ansawdd y Comisiynydd yn ddiweddarach ym mis Hydref 2019.
4	Adolygu ac ymgynghori gyda swyddogion ar becyn hyfforddi defnydd o rym i sicrhau bod hyn yn adlewyrchu realiti hyd y gellir ac yn cynnwys sylw digonol i'r gofynion adrodd.	Roedd adolygiadau o becyn hyfforddi defnydd o rym swyddogion a darpariaeth camerâu corff ar waith, a byddent yn cynnwys y pwyntiau a godwyd gan yr adolygiad.	Ym mis Mawrth 2019, arsylwodd cynrychiolwyr o'r Panel Sicrhau Ansawdd yr hyfforddiant diogelwch swyddogion sydd wedi'i adnewyddu, a roddodd fewnwelediadau gwerthfawr a sicrwydd ynghylch yr amryw o dactegau sydd ar gael i swyddogion wrth ymdrin â phobl gwrthwynebol. Mewn cyfarfod o'r grŵp Defnydd Moesegol o Bwerau'r Heddlu (EUPP) ym mis Mai 2019, adroddwyd bod problem o ran swyddogion yn mynd

			i'w cwrs gloywi hyfforddiant diogelwch blynyddol. Ers y cyfarfod, mae'r sefydliad wedi anfon gohebiaeth at bob swyddog perthnasol i'w hysbysu am y pecyn sydd wedi'i adnewyddu er mwyn annog presenoldeb. Mae cyfarwyddiadau penodol ynghylch gofynion cofnodi, gydag enghreifftiau, hefyd yn cael eu cynnwys yn yr hyfforddiant. Argymhelliad wedi'i gyflawni.
5	Sefydlu trefniadau archwilio a goruchwyllo i asesu dealltwriaeth a chydymffurfiaeth dilynol gyda'r gofynion cofnodi defnydd o rym.	Ar ôl cyflwyno RhCU, byddai proses archwilio'n cael ei sefydlu gan yr Heddlu er mwyn adolygu cydymffurfiaeth â chofnodi.	Drwy gydol y cyfnod rhwng yr adroddiad cychwynnol a'r adolygiad cynnydd hwn, mae aelod o dîm y Comisiynydd wedi cynnal goruchwyliaeth o'r ffordd y mae HDP yn rheoli ac yn craffu ar ddata defnydd o rym drwy fynd i gyfarfodydd chwarterol y grŵp llywodraethu. Trwy'r cyfarfodydd hyn, gwelwyd bod dadansoddiad data'r sefydliad o ddigwyddiadau lle y defnyddiwyd grym wedi aeddfedu, gydag adroddiadau perfformiad manylach ar gael ar gyfer craffu mewnol. Gofynnodd y grŵp Defnydd Moesegol o Bwerau'r Heddlu am archwiliad hap samplu o gyflwyniadau defnydd o rym er mwyn darparu asesiad o ofynion goruchwyllo penodol mewn perthynas ag archwilio h.y. beth sy'n hawdd ei gyflawni ar gyfer goruchwyliaeth llinell gyntaf ac ail linell. Hefyd, roedd yr archwiliad hwn fod adrodd ar sefyllfa gyfredol y sefydliad o ran lefelau cydymffurfio ar gyfer cyflwyno ffurflenni defnydd o rym. Mae hyn wedi bod yn heriol oherwydd cyfyngiadau yn y systemau TG. Mae SCHTh yn parhau i drafod yr heriau hyn gyda HDP.

6	Adolygu ffurflenni defnydd o rym cyfredol gyda'r bwriad o awto-lenwi meysydd, gostwng swm y data sy'n ofynnol ac ystyried sut y mae rhesymeg y swyddogion yn cael ei chofnodi.	Byddai'r ffurflenni defnydd o rym yn cael eu hadolygu er mwyn caniatáu i resymau swyddogion gael eu nodi.	Ffurflen sydd wedi'i chynllunio'n genedlaethol yw'r ffurflen sy'n cael ei chwblhau, sydd wedi'i mabwysiadu gan y rhan fwyaf o heddluoedd y DU, felly nid oes modd newid y templed. Argymhelliad wedi'i gyflawni.
7	Gweithio gyda Swyddfa Comisiynydd yr Heddlu a Throseddu i addysgu'r cyhoedd o ddefnydd o rym angenrheidiol, rhesymol a chymesur gan swyddogion heddlu a'u hawliau wrth arfer y pwerau.	Byddai'r heddlu'n gweithio gyda SCHTh trwy'r grŵp llywodraethu Defnydd o Rym (a gafodd ei ailenwi'n ddiweddar i'r grŵp Defnydd Moesegol o Bwerau'r Heddlu) er mwyn addysgu'r cyhoedd.	Tri mis ar ôl yr adolygiad, cyflawnodd Panel Sicrhau Ansawdd y Comisiynydd ail adolygiad o ddigwyddiadau a gofnodwyd lle y defnyddiwyd grym er mwyn asesu unrhyw gynnydd a wnaed yn syth. Canfu'r Panel bod y defnydd o rym yn ofynnol, rhesymol a chymesur yn gyson. Adroddodd yr adolygiad bod 55 honiad sy'n ymwneud â defnydd gormodol o rym gan swyddogion wedi'u cofnodi gan Heddlu Dyfed-Powys o fewn cyfnod o 15 mis (Ebrill 2017 – Mehefin 2018). Yn ystod y 12 mis a daeth i ben ar 31 Gorffennaf 2019, cofnodwyd 50 honiad o'r fath. Ychydig iawn o amrywiad mae hyn yn dangos yn nifer cyfartalog yr honiadau bob mis (3.7 a 4.2 yn ôl eu trefn). Mae'n galonogol bod swyddogion o hyd yn cael eu gweld yn arfer eu pwerau'n foesegol, fodd bynnag, dylid gwneud mwy i addysgu'r cyhoedd am hyn. Bydd SCHTh yn parhau i weithio gyda HDP er mwyn trosglwyddo negeseuon allweddol i'r cyhoedd.
8	Sicrhau bod swyddogion yn llenwi proffil unigol yn rheolaidd y rheini sy'n amodol ar rym er mwyn galluogi monitro'n briodol defnydd anghymesur posibl ar wahanol grwpiau demograffig.	Gweler argymhelliad 5.	Yn ei adolygiad ym mis Rhagfyr 2018, canfu'r Panel Sicrhau Ansawdd rai anghysondebau yn y wybodaeth a gofnodwyd ar y ffurflenni, gyda manylion personol yn amrywio ar ffurflenni a oedd yn ymwneud â'r un digwyddiad. Wrth gyfathrebu â swyddogion yn ystod y misoedd diwethaf, tynnwyd sylw at y gofyniad i gwblhau ffurflenni'n gywir â'r holl wybodaeth, gan gynnwys manylion personol. Mae'r dystiolaeth hyd yn hyn yn dangos darlun sy'n gwella, gyda ffurflenni'n cael

			eu cwblhau'n fanylach nag o'r blaen. Mae'r sefydliad yn cydnabod bod angen gwaith pellach er mwyn gwella ar gydymffurfiaeth cyffredinol o ran cyflwyno. Er mwyn cyflawni hyn, mae ymarfer ymgynghori'n cael ei drefnu drwy'r Tîm Cyfathrebu Corfforaethol er mwyn deall pa rwystrau a allai fodoli yn well. Yna, gellir datblygu hyn os oes rhwystrau'n cael eu hadnabod. Mae gwaith yn mynd rhagddo er mwyn datblygu'r maes gwaith hwn.
9	Ystyried darparu 'cronfa' o gamerâu Ffilm Camera Corff ar gyfer y rheini heb ddyraniad personol i'w defnyddio pan fydd angen gweithredol.	Gweler argymhelliad 4.	Ystyriwyd gallu cronfa o gamerâu corff drwy Fwrdd Prosiectau Digidol yr Heddlu, fodd bynnag, ar ôl ymgynghori â staff, ystyriwyd nad oedd angen hyn. Argymhelliad wedi'i gyflawni.
10	Gwella'r ffordd y mae'r Heddlu yn cofnodi anafiadau swyddogion sy'n gysylltiedig â defnydd o rym. Dylid defnyddio'r wybodaeth hon i sicrhau bod swyddogion wedi'u cyfarparu a'u diogelu'n briodol rhag dioddef niwed yn ystod hynt eu dyletswyddau.	Roedd argymhellion 10 i 14 yn cael eu hystyried gan yr Heddlu er mwyn nodi cyfleoedd priodol ar gyfer mynd i'r afael â'r argymhellion.	Tynnodd yr adolygiad sylw at y ffaith bod 61 swyddog wedi adrodd am anafiadau o ganlyniad i'w defnydd o rym rhwng mis Ebrill mis Mehefin 2018. Mae data chwarteri dilynol yn dangos gostyngiad yn nifer yr adroddiadau hyn, i gyfartaledd o 46 swyddog yn cael eu hanafu o fewn cyfnod o 3 mis. Mewn cyfarfod o'r Grŵp Defnydd Moesegol o Bwerau'r Heddlu ym mis Mai 2019, adroddwyd y byddai data a gofnodwyd mewn perthynas ag ymosodiadau yn erbyn swyddogion yn cael ei ddefnyddio i hysbysu hyfforddiant yn y dyfodol (er enghraifft, hyrwyddo'r defnydd o ataliadau coes gan mae cicio yw'r math mwyaf cyffredin o ymosodiad yn erbyn swyddogion heddlu). Argymhelliad wedi'i gyflawni.

11	Parhau i weithio gyda gwasanaethau iechyd lleol i ddatblygu cynlluniau wedi'u teilwra ar gyfer rheoli'n briodol (gan gynnwys y ffurfiau grym mwyaf diogel, effeithiol a phriodol a argymhellir) troseddwydr drachefn, yn enwedig y rheini â nodweddion gwarchodedig.		Mae gan HDP weithdrefnau ffurfiol mewn grym ar gyfer cwrdd â gwasanaethau eraill yn rheolaidd er mwyn adolygu'r ffordd y mae defnyddwyr gwasanaeth rheolaidd sy'n byw â chyflyrau iechyd meddwl yn cael eu rheoli. Nod y gwaith yw adnabod y rhai sy'n gyffredin i fwy nag un gwasanaeth (y gwasanaethau brys a gofal iechyd a chymdeithasol) a datblygu cynlluniau gofal priodol er mwyn amddiffyn pobl sy'n agored i niwed a staff sy'n gweithio gyda nhw.
12	Gwaith gyda Swyddfa Comisiynydd yr Heddlu a Throseddu i wella cynnwys y cyhoedd wrth graffu cyswllt swyddogion yr heddlu â'r cyhoedd.		Tua diwedd 2018, gweithiodd swyddogion Tîm Plismona Bro a Swyddfa'r Comisiynydd gyda mudiad Pobl yn Gyntaf Sir Benfro er mwyn trafod canfyddiadau o'r heddlu a hawliau unigolion mewn perthynas â chyswllt yr heddlu. Rhoddodd y sesiwn fewnwelediadau defnyddiol i brofiadau a chanfyddiadau pobl awtistig a phobl sydd ag anableddau dysgu. Mae'r Panel Sicrhau Ansawdd dal yn adolygu amryw o ddulliau cyswllt rhwng yr heddlu a'r cyhoedd, ac yn cynnwys cynrychiolaeth o'r Grŵp Ymgynghorol Annibynnol. Mae tîm y Comisiynydd yn bwriadu cynnal sesiynau tebyg gyda grwpiau cynrychioladol eraill yn y dyfodol. Mae gwaith pellach wedi'i drefnu ar gyfer y misoedd i ddod er mwyn ymgysylltu â phoblogaeth mwy amrywiol i sicrhau bod barn y rhai sydd â nodweddion gwarchodedig yn cael ei gipio a'i ystyried.
13	Blaenoriaethu penderfyniad ar system rheoli cofnodion yn y dyfodol, gan sicrhau bod pob ymdrech yn cael ei wneud i wella'r gallu i ryngweithredu a gwella awto-lenwi rhai meysydd, gan gynnwys gostwng cyfaint y gofynion adrodd ar wahân sy'n		Mae'r broses gaffael ar gyfer y system rheoli cofnodion newydd ar waith, a disgwylir penderfyniad ynglŷn â'r cyflenwr erbyn diwedd 2019. Er yr ystyrir bod yr argymhelliad hwn wedi ei gwblhau, bydd angen i'r sefydliad ystyried bod cofnodion fideo a chofnodion ysgrifenedig wedi'u cysylltu'n briodol a'u bod ar gael yn hawdd. Argymhelliad wedi'i gyflawni.

	cael ei osod ar swyddogion.		
14	Adolygu pryderon adrannau arbenigol i sicrhau bod swyddogion wedi'u cyfarparu'n briodol i ymgymryd â'r dyletswyddau'n effeithiol.		Adolygwyd hyn ac mae goleuadau camerâu corff yr adrannau arbenigol perthnasol wedi'u dadweithredu, yn unol â'u hawgrym. Argymhelliad wedi'i gyflawni.

6. Papurau Cefndir / Ategol

- Yr adroddiad gwreiddiol: <http://www.dyfedpowys-pcc.org.uk/media/6719/use-of-force-report.pdf>
- Ymateb y Prif Gwnstabl: <http://www.dyfedpowys-pcc.org.uk/media/6720/use-of-force-chief-constables-response.pdf>